

Ўс сәәнәр авчацхана

Приютненск района Кировин Һертә колхозин 4-ч комплексн бригадт саалин 100 гар ўкр бәәнә. Энүнд баахн берәд болн күүкд саальч болдж кәдлцхәнә. Тедн дотрас, кесг джилин эргцд саальчнр болдж кәдлджәх Никитенко Ольга Степановна сааджах ўкрмүдән дегәд сәәнәр хәләдж, асрдж, ўс икәр авчана. Никитенко Ольгин гарт саалин 12 ўкр бәәнә. 1957 джилә зурань 11092 килограмм ўс госуларствд орулдж өгхәсн, 10657 килограмм ўс орулад өгчкв. Талданар келхд, ўкр болгънас 886 килограмм ўс саадж авч джилә зурагъан 96 процент кўцәв. Эн саальчас Реброва Антонина Васильевна чигн далагъар ўлдж йовхш. Саалин

12 ўкр саадж, 11062 килограмм ўс госуларствд орулдж өгх бәәсн, 9385 килограмм ўс орулад өгчкв, ўкр болгънас 779 килограмм ўс авч, джилә зурагъан 84,4 процент кўцәв. Саальч Лиджиева Анна саалин 12 ўкрәсн, ўкр болгънас 749 килограмм ўс авч, джилә зурагъан 81,2 процент кўцәв.

Эн саальчнр, „Әми болгъна тоод мах, тос болн ўс гаргългъар Америкин Соединенн Штатсиг өөрхн джилмүдин эргцд кўцхми“ — гисн эрки тәр кўцәхд чидлән нөл уга кәдлдж, Алдр Октябрьск социалистическ революцин 40-ч өөн күртл джилә зурагъан кўцәхәр шундж кәдлджәцхәнә

БОЛИНӘ МЕРДӘ.